

لیفٹیننٹ گورنر منوج سنہا نے زرعی تے اس نال جڑیا سیکٹراں مانہ تیز رفتار سنگ بابدا ورزور دتو بے تانجے اس سیکٹر مانہ سالانہ ترقی بابدا 5 فیصدی غا حدف نانہ برقرار رکھیو جاسکے سکاسٹ کشمیر مانہ دکشارب پروگرام مانہ بولتا واں اُنہاں نے مصنوعی ذہانت غی مدد سنگ کاشتکاری کیا جان فصلان غی زیادہ قیمت دین آلی قسماں غی بیجائی تے زرعی تعلیم مانہ سدھاراں غی ضرورت ور زور دتو ایل جی موصوف نے سکاسٹ غی طرفوں پورا ملک تیں آیا طالب علماں نانہ تعلیم مہیا کران ور اُس غی تعریف کرتا واں کہیو جے پورا ملک تیں آیا طالب علماں نانہ اک ہی ادارا غے اندر تعلیم مہیا کران سنگ یکجہتی غو اظہار ہوو تے اس راہ یوہ ادارو منی انڈیا بن گیو بے اس موقع و ر بولتا واں لیفٹیننٹ گورنر نے طالب علماں ور زور دتو جے وے ملک نانہ لگاتار مضبوط بنان غا اپنا فرض غو فر عہد کریں۔

CM DEVELOPMENT

وزیر اعلیٰ عمر عبداللہ غو کہنو بے جیآن غی سرکار غی ترجیحات مانہ یوٹی غی ترقی تے امن شامل ایں اُنہاں نے لوکاں سنگ کیا گیا اپنا تمام وعداں نانہ پوراں کرن تے جموں کشمیر نانہ ترقی تے کوڑحالی آلے پاسے لے جان غو عہد کیو بے وزیر اعلیٰ نے اس گل غو اظہار قمر واڑی اگ مقام ور جہلم دریا ور بنیا گیا نور جہاں پُل گا افتتاح گا موقع ور کیو عوامی اکٹھ سنگ خطاب کرتا واں وزیر اعلیٰ نے موثر ٹرانسپورٹ ٹا نچہ بارے کوششاں گا عہد نانہ دہراتاں واں کہیو جے سرینگر شہر غی بدھتی شہری ضرورتاں غے مطابق ٹرانسپورٹ تانچہ نانہ ترقی دتی جائیگی اُنہاں نے شہریاں نانہ یقین دوايو جے سرکار لوکاں گا جائیز معاملن غا نبیڑا تے کیا گیا وعداں نانہ پوراں کیا جان غی پابند بے۔

DARBAR MOVE

جموں کشمیر مانہ روایتی ششماہی دربار بدل غو سلسلو 4 سال غا عرصہ غے بعد فر شروع ہو گیو بے ہفتہ مانہ 5 روز توڑی چلن آلا دفتر کل سرینگر مانہ بند ہو گیا ایں جد کہ ہفتہ مانہ 6 روز توڑی چلن آلا دفتر اج بند ہو جیں گا تے دربار بدل سنگ منسلک یہ دفتر 3 نومبر یعنی سوار آلے روز جموں مانہ کھل جئیں غا جے اینڈ کے سڑک ٹرانسپورٹ کارپوریشن غی طرفوں اج تے کل ملازمان نانہ جموں منتقل کیا جان غی خاطر خواہ بندوبست کیا گیا ایں دربار بدل سلسلہ غے تحت وزیر اعلیٰ غی سیکرٹریٹ سمیت 39 کلیدی دفتر مکمل طور ور جموں منتقل ویں گا جد کہ 47 محکماں جُز وی طور ور منتقل کیا جارہیا ہیں واضع رہ جے دربار بدل غی یاہ روایت 147 براں پہلاں موسمیاتی وجوہات سنگ شروع کی گئی تھی جس نانہ سال 2021 مانہ روک دتو گیو تھو۔

HELI SERVICES

جموں صوبہ غا برفانی پہاڑی علاقان نانہ سبسڈی غی بُنیاد ور بیلی کاپٹر خدمات غو کل یعنی 2 نومبر تیں آغاز کیو جارہیو بے جس نال ان علاقان گا بسنیکاں نانہ بڑی راحت مل سکے غی جموں گا ڈویژنل کمشنر رامیش کمار نے ان علاقان مانہ بیلی کاپٹر خدمات غی شروعات غا سلسلہ مانہ کیا گیا انتظامات غو کل جائیزو لیو بیلی کاپٹر غی خدمات سنگ جموں نانہ

پونچھ، مینڈر، راجوری، ڈوڈہ تے کشتواڑ سنگ جوڑیو جائگو، عہدیداراں غو کہنو بے جے بیل
کاپٹر غی خدمات سنگ ان علاقاں گا لوکاں غی سفری مشکلات نانہہ کہٹ کیا جان غے نال نال
ضروری چیزاں بستان توڑی رسائی تے تمام پہاڑی ضلعاں سنگ ہوائی رابطاں غی آسانی پیدہ
کی جاسکے گی۔

JAMMU TRAIN

ریل گڈیاں غی خدمات غی بحالی گا سلسلہ مانہہ لمی دوری غی 4 ریل گڈیاں غی خدمات جموں
تے کٹرہ تیں چھواں مرحلہ غے تحت نومبر مہینہ تیں شروع کی جارہی ہیں آکاشوانی جموں غا
مہارا نمائندہ نے جانکاری دیتا واں دسیو بے جے ریل گڈی نمبر 14610 شری ماتا ویشنو دیوی
کٹرہ تیں یوگا نگری رشی کیش دراج روانہ کی جے غی جس غے بعد ریل گڈی نمبر 19804
شری ماتا ویشنوی دیوی کٹرہ تیں کوٹہ در پلک روانہ کی جائگی ریل گڈی نمبر 19028 جموں
توی تیں باندرا ٹرمینس در آئیندہ 3 نومبر نانہہ جدکہ ریل گڈی نمبر 15656 شری ماتا ویشنوی
دیوی کٹرہ تیں کامکھیا در آئیندہ 5 نومبر نانہہ روانہ کی جے غی۔

PRO ANN

ریجنل نیوز یونٹ آکاشوانی جموں غی طرفوں آئیندہ 1 نومبر نانہہ 30 منٹاں ور مبنی جموں کشمیر
گرائیں روزگار مشن غا بینر تلے خود مختاری گروپاں غے ذریعے خواتین غی باختیاری، اس
موضوع ور خصوصی گل بات غواک پروگرام نشر کیو جائگو یوہ پروگرام 1 نومبر دوپہر
12:30 بجے نشر کیو جائیگو اس پروگرام مانہہ مارا خصوصی مہمان جموں کشمیر دیہی روزگار
مشن غی مشن ڈائریکٹر شبرا شرما ویں غی جہڑی اس موضوع ور اپنی ماہرانہ رائے سنگ
سامعین نانہہ نوازیں غی جد کہ پروگرام مانہہ میزبانی غا فرائض مہاری انکر شروتی کھجوریہ
انجام دیں غی یوہ پروگرام آکاشوانی نیوز جموں تیں میڈیم ویو 303 میٹر یعنی 990 کلو ہٹز تے ایف
ایم 100.3 میگا ہٹز ور سنیو جاسکے گو۔

KWFF

کشمیر ولڈ فلم فیسٹیول گا پانچواں ایڈیشن اج سرینگر غا ٹاگور ہال مانہہ شروع ہوو جہرو 7
نومبر توری جاری رے غو۔ فیسٹیول مانہہ بھارت تے بیرون ملک غی 60 فلم دسی جیں غی۔
تقریب مانہہ فیچر فلم ڈاکیو مینٹری تے اپنی میشن کیٹیگریز مانہہ اعزاز دتا جیں گا۔ افسراں غے
مطابق یاہ تقریب سیاحت نانہہ فروغ دے غی کشمیر غی خوبصورتی دسے غی تے دنیا بھر غا
فلم سازاں تیں ثقافتی تعلقات مضبوط کرے غی۔
